



NgumJesu Kristu Kuphela Osindisayo

Uyakubeletha indodana, uyiqambe igama lokuthi uJesu,
ngokuba nguye oyakusindisa abantu bakhe ezonweni zabo.
Mathewu 1:21

Ngokuba uNkulunkulu walithanda izwe kangaka, waze wanikela
ngeNdodana yakhe ezelwe yodwa, ukuba yilowo nalowo
okholwa yiyo angabhubhi, kodwa abe nokuphila okuphakade.
Johane 3:16

UJesu wathi kuye: Mina ngiyindlela, neqiniso, nokuphila;
akakho oza kuBaba ngaphandle kwami. Johane 14:6

Futhi ayikho insindiso ngomunye, ngokuba alikho futhi elinye igama phansi kwezulu elinikiwe phakathi kwabantu, esimelwe ukusindiswa ngalo. IzEnzo 4:12

Ngokuba okokuqala nganinika lokho engakwamukela nami, ukuthi uKristu wafela izono zethu njengokwemibhalo; nokuthi wembelwa, nokuthi wavuka ngosuku lwesithathu njengokwemibhalo: 1 Korinte 15:3-4

Esinokuhlengwa kuye ngegazi lakhe, ukuthethelelwa kwezono ngokwengcebo yomusa wakhe; Efesu 1:7

Kunamaqiniso amane okufanele siwaqonde ngokugcwele:

1. UNkulunkulu uyakuthanda kakhulu.

Ufuna ube nokuphila okuphakade ezulwini kanye Naye.

Ngokuba uNkulunkulu walithanda izwe kangaka, waze wanikela ngeNdodana yakhe ezelwe yodwa, ukuba yilowo nalowo okholwa yiyo angabhubhi, kodwa abe nokuphila okuphakade. Johane 3:16

Ufuna ube nokuphila okuchichimayo nokunenjongo kanye Naye.

Isela liza ukweba nokubulala nokubhubhisa; mina ngize ukuba babe nokuphila, babe nakho kuchichime. Johane 10:10

Naphezu kwalokhu, abantu abaningi abakutholi ukuphila okunenjongo futhi abaqiniseki ukuthi banokuphila okuphakade yini ngoba...

2. Umuntu unesono ngokwemvelo. Yingakho ehlukani siwe noNkulunkulu.

Bonke bonile.

Ngokuba bonke bonile, basilalelwe inkazimulo kaNkulunkulu; Roma 3:23

Ngokuba ukuthanda imali kuyimpande yakho konke okubi...

1 Thimothewu 6:10

Inkokhelo yesono ingukufa.

Ngokuba inkokhelo yesono ingukufa... KwabaseRoma 6:23

IBhayibheli lichaza izinhlobo ezimbili zokufa:

- Ukufa ngokomzimba

Futhi njengalokhu kumiselwe abantu ukuba bafe kanye, emva kwalokhu ukwahlulelwa, KumaHeberu 9:27

- Ukufa okungokomoya noma ukuhlukaniswa phakade noNkulunkulu esihogweni

Kepha amagwala, nabangakholwayo, nabanengekayo, nababulali, nezifebe, nabathakathi, nabakhonza izithombe, nabo bonke abaqamba amanga, isabelo sabo siyakuba sechibini elivutha umlilo nesibabule, okungukufa kwesibili. IsAmbulo 21:8

Uma umuntu ehlukani naseNkulunkulu ngenxa yesono sakhe, liyini ikhambi lale nkinga? Ngokuvamile sicabanga ukuthi izixazululo yilezi: inkolo, imisebenzi emihle, nokuziphatha okuhle.

Kodwa lilodwa kuphela ikhambi elivela kuNkulunkulu.

3. UJesu Kristu uwukuphela kwendlela eya ezulwini.

Lesi isimemezelo sikaNkulunkulu.

UJesu wathi kuye: Mina ngiyindlela, neqiniso, nokuphila; akakho oza kuBaba ngaphandle kwami. Johane 14:6

Wakhokha isijeziso esiphelele sezono zethu.

Ngokuba noKristu wahlupheka kwaba kanye ngenxa yezono, olungileyo ngenxa yabangalungile, ukuze asiyise kuNkulunkulu, ebulawa enyameni, kodwa ephiliswa emoyeni: 1 Petru 3:18

Esinokuhlengwa kuye ngegazi lakhe, ukuthethelelwa kwezono ngokwengcebo yomusa wakhe; Efesu 1:7

Unesithembiso sokuphila okuphakade.

Okholwa eNdodaneni unokuphila okuphakade; ongakholwa yiNdodana kayikubona ukuphila, kepha ulaka lukaNkulunkulu luhlezi phezu kwakhe. Johane 3:36

Ngokuba inkokhelo yesono ingukufa; kodwa isipho somusa sikaNkulunkulu singukuphila okuphakade kuKristu Jesu iNkosi yethu. Roma 6:23

4. Kudingeka sikholelwe kuJesu Kristu ukuze sisindiswe.

Ukusindiswa kwethu kungenxa yomusa kaNkulunkulu ngokukholwa kuJesu Kristu.

Ngokuba ngomusa nisindisiwe ngokukholwa; nalokhu akuveli kini, kuyisipho sikaNkulunkulu; akuveli ngemisebenzi, ukuze kungabikho ozibongayo. Efesu 2:8-9

Ngokuba yilowo nalowo obiza igama leNkosi uyakusindiswa.
Roma 10:13

Umthandazo Wezoni Wokuphenduka

Thandaza lokhu ngokukholwa:

Nkosi Jesu, ngiyabonga kakhulu ngokungithanda. Ngiyavuma ukuthi ngiyisoni futhi ngicela intethelelo yakho. Ngiyabonga ngokufa kwakho esiphambanweni, ukumbelwa, nokuvuka kwakho ukuhlawulela zonke izono zami. Ngikwethemba njengeNkosi noMsindisi wami. Ngiyasamukela isipho sakho sokuphila okuphakade futhi nginikela ukuphila kwami kuwe. Ngisize ngigcine yonke imiyalo yakho, ngibe ngothandeka emehlweni akho. Amen.

Uma uthembele kuJesu Kristu, lokhu okulandelayo kwenzeke kuwe:

- Manje, unokuphila okuphakade noNkulunkulu.

Futhi lokhu kuyintando yongithumileyo, ukuthi wonke obona iNdodana futhi akholwe kuyo abe nokuphila okuphakade, futhi mina ngizomvusa ngosuku lokugcina. Johane 6:40

- Zonke izono zakho sezikhokhelwe futhi zithethelelwe.

(okwedlule, okwamanje, okuzayo)

Kepha yena, esenikele ngomhlatsshelo waba munye ngenxa yezono phakade, wahlala phansi ngakwesokunene sikaNkulunkulu;

Hebheru 10:12

- Uyisidalwa esisha emehlweni kaNkulunkulu. Kuyisiqalo sempilo yakho entsha.

Ngakho uma umuntu ekuKristu, uyisidalwa esisha; okwakuqala kudlulile; bheka, sekuvele okusha. 2 Korinte 5:17

- Ube ngumntwana kaNkulunkulu.

Kepha bonke abamamukelayo, wabanika amandla okuba babe ngabantwana bakaNkulunkulu, labo abakhulwa egameni lakhe: Johane 1:12

Imisebenzi emihle ayiyona indlela yokuba sisindiswe, kodwa iwubufakazi noma isithelo sensindiso yethu.

Ngokuba singumsebenzi wakhe kuKristu Jesu, sidalelwe imisebenzi emihle, ayimisela ngaphambili uNkulunkulu ukuba sihambe kuyo. Efesu 2:10

Inkosi ikubusise!